



Informacija o GHG emisijama Raiffeisen BANK d.d. Bosna i Hercegovina

Informacija o GHG emisijama (emisija stakleničkih gasova) Raiffeisen BANK d.d. Bosna i Hercegovina

U skladu sa Tačkom 4, odn. 4.4. Smjernica za upravljanje rizicima povezanim s klimatskim promjenama i okolišnim rizicima objavljenim u Službenim novinama Federacije BiH br.57/23 (dalje u tekstu: Smjernice), Raiffeisen BANK d.d. Bosna i Hercegovina (u daljem tekstu: Banka) kontinuirano poduzima neophodne aktivnosti kako bi mogla objaviti ukupni GHG finansiranja i sopstveni GHG.

Ovaj proces je proveden u skladu sa standardima, smjernicama i alatima propisanim od strane GHG Protokola¹ uključujući korištenje metodologija za kvantifikaciju emisija, izvještavanje i verifikaciju.

Izračun emisija obuhvatio je sve relevantne izvore emisija unutar operativnog djelokruga banke:

- **Obim (eng. Scope) 1 emisije** – direktne emisije nastale kao rezultat upotrebe službenih vozila, odnosno potrošnje goriva (dizel i benzin) na istim.
- **Obim (eng. Scope) 2 emisije** – indirektne emisije nastale korištenjem električne energije – potrošena energija kupljena od elektroprivrede.
- **Obim (eng. Scope) 3 emisije** – indirektne emisije nastale uslijed glavne djelatnosti Banke – finansirane emisije kroz kredite, odnosno finansijske proizvode.

GHG Emisije u RBBH, za 2025

GHG Emisije (tCO ₂ e)	2024	2025	Razlike 2025 vs 2024	Razlike 2025 vs 2024 (u %)
Obim 1 – direktne	441.53	338.84	-102.69	-23.3%
Obim 2 - indirektne	3,916.70	5,156.82	1,240.12	31.7%
Obim 3 – indirektne (finansirane emisije, vlastite operacije)	1,127.78	1,512.92	385.14	34.2%
Ukupno:	5,486.01	7,008.58	1,522.57	27.8%

¹ <https://ghgprotocol.org/sites/default/files/standards/ghg-protocol-revised.pdf>

U skladu s našom posvećenošću transparentnosti i odgovornom upravljanju utjecajem na okoliš, objavujemo kretanja naših emisija stakleničkih plinova za 2025. godinu, uključujući Scope 1, Scope 2 i značajne kategorije Scope 3 emisija.

Smanjenje direktnih emisija (Scope 1): U 2025. godini ostvarili smo značajno smanjenje naših direktnih emisija (Scope 1), **za 23,3%** u odnosu na prethodnu godinu. Ovo poboljšanje rezultat je kontinuiranog unapređenja energetske efikasnosti vozila i optimizacije korištenja grijanja u poslovnim prostorima. Smanjenje Scope 1 emisija potvrđuje napredak u segmentima gdje imamo najveću operativnu kontrolu.

Povećanje emisija iz potrošene električne energije (Scope 2): Emisije iz indirektno potrošene energije (Scope 2) povećane su sa 3.916,70 tCO₂e na 5.156,82 tCO₂e odn. 31,7%, prvenstveno zbog većeg obima poslovnih aktivnosti, širenja IT infrastrukture i rasta faktora emisija u energetsom miksu BiH. Bez obzira na navedene okolnosti, Banka nastavlja aktivno raditi na mjerama povećanja energetske efikasnosti i istražuje mogućnosti nabavke električne energije iz obnovljivih izvora.

Kretanja Scope 3 emisija: Scope 3 emisije porasle su **za 34,2%** u odnosu na prošlu godinu, prvenstveno zbog povećanih ulaganja u infrastrukturu i tehnološku opremu tokom 2025. godine, kao i većih emisija povezanih s energetske lancem usljed porasta ukupne potrošnje energije. Istovremeno, pojedine kategorije, poput kupljenih dobara i otpada iz operacija, bilježe pad emisija zahvaljujući učinkovitijem upravljanju resursima i internim procesima.

Kao rezultat kretanja u sve tri kategorije, **ukupne emisije banke (Scope 1, 2 i 3)** porasle su sa 5.486,01 tCO₂e na 7.008,58 tCO₂e, **što predstavlja porast od 27,7%** u odnosu na prethodnu godinu. Ovo povećanje prije svega je posljedica rasta emisija iz električne energije, te većih ulaganja u infrastrukturu i opremu, u skladu s povećanim poslovnim aktivnostima, dok su kategorije pod direktnom kontrolom Banke pokazale pozitivan trend smanjenja, što potvrđuje našu kontinuiranu posvećenost smanjenju emisija i odgovornom upravljanju utjecajima na okoliš.

Naša opredijeljenost i sljedeći koraci: Iako je godina snažnih investicija dovela do rasta emisija, ostajemo usmjereni na njihovo postepeno smanjenje. Nastavljamo s energetske optimizacijama i unapređenjima naših poslovnica i Centrale te aktivno razmatramo prelazak na obnovljive i druge efikasnije izvore energije. Ovim pristupom gradimo stabilan put ka dugoročno održivijem poslovanju.

Raiffeisen Bank d.d. Bosna i Hercegovina

Sarajevo, 31.03.2026.